

清东华录全编

第七册

东华录

〔清〕王先谦撰

乾隆 三四—六六卷

学苑出版社

# 清东华录全编

第七册

东华录

〔清〕王先谦撰

乾隆 三四—六六卷

学苑出版社

臣王先謙  
臣周論  
臣周論

秋七月乙丑朔禮部奏 祈穀壇廟額舊書 大饗殿字門名亦

同謹按大饗之名禮經皆指季秋報祀而言與孟春祈穀有異請

別定尊名以昭盛典得旨改 大饗殿為 祈年殿門為 祈年

門○丙寅諭尚書孫嘉淦以所著詩經補註開日進覽於輿觀羣

怨之旨頗有發明朕亦時折其中從此蓄萃成編足備葩經一解

孫嘉淦請開館纂修朕以為無事更張見在軍機大臣等逐日有

進呈繙譯五經四書其平定金川方略亦將次告竣著就此館局

以傅恆來保孫嘉淦充正總裁官舒赫德納延泰汪由敦劉綸充

副總裁官或需用纂修人員令孫嘉淦舉素所知一二人奏聞充

補則幾務之餘可資佩文而以次成書亦可以詔來學○庚午軍

東華全錄 乾隆三十四

機大臣等議奏臣等遵旨將民間禁用銅器一事與總督尹繼善

悉心酌議竊思制錢日用所需欲錢法流通市價平減必先使銅

無耗民間販銅有限用器無窮其出於私毀明甚今請銅器之見

在民間者仍聽民用不必收買以致仰勒交官之弊惟此後毋許

復造銅器鋪及工匠等悉令改業已成器者定限變賣至未經成

器及民間廢銅願繳者州縣設局就銅之高低定價之多寡隨到

隨收第從前但禁黃銅奸匠將諸銅攪和染色制錢仍可銷毀且

紅銅加以倭銅即成黃銅弊端未絕並請無論紅黃白銅鑿禁制

器從之○辛未諭江蘇巡撫王師奏元和縣知縣王名標鑿升貴

州永甯州知州該員操守謹慎才具幹練懇將王名標以升銜暫

留元和縣任遇有江省相當知州缺出酌量題補等語元和省會

首邑王名標人地相宜以升銜仍留原任於理尚屬可行但既留

任遇相當知州缺出即行題補又須離任仍於該地方未有裨益

轉啓規避之端朕思守令入於其任可以勵官方而收實效既在

予升銜已合古增秩進階之義嗣後知縣鑿升外省督撫奏留本

任者俟留任五年內遇有相當之知州缺出題補如首郡知府升

任道員該督撫題留者視此著為例王名標即照此例行○王申

上奉 皇太后啓鑿秋獮木蘭○癸酉免經過地方本年額賦

十分之三本年被雹地方十分之五○戊寅 上奉 皇太后駐

蹕避暑山莊○庚辰 上奉 皇太后自避暑山莊巡幸木蘭行

圍○辛巳張坦熊以不職革職以周琬為雲南按察使○乙酉免

奉天甯遠州八年九年民欠○丁亥免八旗病故人員紅事借俸

銀兩著為例○移貴州貴西道駐威甯州

八月丙申諭據王師奏保舉經學之陳祖范顧棟高年力老邁不

能來京等語陳祖范顧棟高俱著給與國子監司業職銜以為績

學之勸所有著述留覽○撥湖南倉米十萬石於浙江備賑命載

東華全錄 乾隆三十四

漕以補倉儲○徐以升以不職革職以汪德馨為廣東按察使○

戊戌諭軍機大臣等據雲貴總督碩色摺奏本年七月初一日接

古州鎮總兵宋受密稟內稱六月二十二日據駐安順府提塘吳

士周呈稟內另有密稟一紙詞殊不經查係本月初八日有赴滇

過普之客人鈔錄傳播見即著落提塘吳士周跟追閱密稟所鈔

傳播之詞竟係假託廷臣名目膽肆訕謗甚至捏造殊批種種妄

誕不一而足顯係大惡逆徒逞其狂悖不法已極等語著傳諭步

軍統領舒赫德直隸總督方觀承河南巡撫鄂容安山東巡撫準

泰山西巡撫阿思哈湖北巡撫恆文湖南巡撫楊錫綬貴州巡撫

開泰令其選派賢員密加緝訪一有蹤迹即行嚴拏奏聞請旨勿

令黨羽得有漏網務須密之又密不可稍有張揚洩漏○命安徽

截漕六萬石備明年平糶○命浙江截漕五十萬石備賑○辛丑

命江蘇截漕三十五萬石備明年平糶○癸卯 上奉 皇太后

駐蹕避暑山莊○已酉 上奉 皇太后自避暑山莊回鑾○命再截留江蘇漕糧三十萬石於浙江備賑○辛亥諭金朝陵寢近在房山歲久榛蕪未經修葺朕惟金太祖金世宗功德載在史書景仰傳之奕禩我 世祖章皇帝 聖祖仁皇帝隆禮有加並御製碑文勒石建亭以垂不朽顧念國家祀典光昭雖以時遣官將事而一切享殿繚垣儀制所存觀瞻宜備其令直隸總督方觀承前往相度應增修除治者即行奏聞率屬鳩工庀事工竣之後朕將躬親展奠以昭敬禮前朝之意○丁巳 上奉 皇太后還京師○庚申諭昨據雲貴總督碩色摺奏滇省傳播偽撰孫嘉淦奏本逆犯應交各省緝拏茲據山東按察使和其衷摺奏本年四月間訪聞省中傳播偽造孫嘉淦木稟一紙肆行誣謗隨加根究來歷得自江南水利廢員富即稟明該撫準泰請一面奏聞一面咨明江南督撫嚴加查緝乃準泰以無庸深求亦不必具奏將原東華全錄 乾隆三十四 三

暫行署理鄂容安接印後兆惠即將準泰押解來京○調舒輅為河南巡撫鄂昌為江西巡撫以楊應琚為甘肅巡撫○河南陽武縣河溢○辛酉江蘇巡撫王師卒子祭葬○以莊有恭為江蘇巡撫由戶部○壬戌追賞原任江蘇巡撫于師祖父母父母封典○調汪由敦為戶部右侍郎以裘日修為兵部右侍郎由戶部○以吳士端為甘肅布政使武忱為陝西按察使由河東鹽運使遷○癸亥分京師八旗米局為左右二翼總理大臣三年更代 九月丁卯以蔡新為內閣學士由翰林院侍講學士遷○戊辰論軍機大臣等兆惠摺奏訊問準泰供詞尚多支飾兆惠未加詰問不足以服準泰之心即如供稱和其衷面稟先將謠傳之人發落和其衷自稱意見相同似和其衷原不欲徹底根究但在當時即果有此情節而和其衷之面商無憑準泰之塗抹發還確有實據即當詰其塗抹何心發還何意且和其衷係同辦此案之人並非從未見此東華全錄 乾隆三十四 四

案一紙又有山東按察使和其衷幕友劉宏謨密寄官貴震之親戚鄭鶴年札內稱據沂州府稟獲偽傳偽寔之犯劉恆發究明鈔得自官貴震請咨江省解審當即詭詞向東家云官貴震係我至親求與撫軍商酌將劉恆發供詞改為拾自途閒無從根究得以從輕歸結等語是官貴震之臺底流播東省先有劉恆發一案敗露從輕寢息非止和其衷所奏李僕一案也細按劉宏謨札內情形偽案出自官貴震之手無疑見親行嚴訊堅不承認並牽涉多人因密札山東撫臣令和其衷交出劉宏謨押解江省質訊定擬另奏伏思此案早據沂州府獲犯供明鈔得自官貴震乃和其衷渾泰通同瞻徇刪改供詞草率完結實為溺職負恩而和其衷聞各省傳播恐事敗露始將李僕供出官貴震情由奏聞希圖掩飾更爲巧詐一併據實參奏諭尹繼善參奏和其衷先於劉恆發傳鈔偽案一案聽從幕友劉宏謨密屬刪改供詞從輕完結等語東東華全錄 乾隆三十四 五

省此案朕初意準泰先有成見希圖苟且了事和其衷雖隱飾於前尙據實陳明於後雖有心取巧或實屈於外官院司體統不得不然情理尙在可恕是以準泰案內未將和其衷治罪今據尹繼善所奏則和其衷已先受幕友密屬適準泰以無從根究相商正合其意遂從輕完結轉向幕友市恩而準泰之塗抹發還實墮其術而不知逾事不可掩則專知過於準泰設準泰當初欲根究入告和其衷必且代爲求寬矣其居心險詐詭詐一至於此罪更浮於準泰著該撫鄂容安即將和其衷革職鞫解交刑部一併嚴審定擬具奏○癸未 上奉 皇太后還京師○甲申命尙書舒赫德赴江南查辦偽造奏稟○丙戌以阿爾泰爲山東按察使○道遷○戊子予經壇祝嘏之前辛未科進士原任詹事黃叔琳侍郎銜原任侍郎王景曾等分別加級復銜○己丑諭山西布政使多綸奏請酌更外省壇廟主祭之官以肅祀典一摺似有所見布

政使雖地方正印究係督撫屬員况督撫正封疆大員安得謂非地方官至道員駐紮之地以州縣印官主祭其品秩相懸爲之踴躍不安何以嚴對越而重祀典乾隆二年所定之例過於拘泥著該部另行定議具奏尋議嗣後壇廟春秋祭祀省會令督撫主祭布政使以下陪祀其有道員駐紮之府州縣地方亦令道員主祭府州縣等官陪祀探諸各省丁祭督撫主祭之例亦歸畫一再督撫道員儘退出巡時仍令布政使及該地方正印官攝祭至將軍都統提鎮等均係武職仍照舊例陪祀從之○論今日刑部查奏秋朝審內侵盜錢糧官犯陸開江等各案將著落該上司分賠情由敘入殊屬錯誤朕於侵盜劣員定以重辟申嚴限期者原以儆貪邪而肅法紀初不爲錢糧起見前經屢降諭旨其定例上司分賠不過因其贍徇屬員不早爲覺察以致屬員恣行侵盜耳若謂帑項有著可即將本犯擬入緩決則平日視官帑如己貨肆意糜費手足定罪之後恃有上司代爲完項藉以遷延歲月倖逃刑戮劣員更無所畏懼且使各省轉滋分賠著追之案益覺紛繁是國家以錢糧爲重人命爲輕矣殊未喻朕辟以止辟本意且帑項之有著無著自屬農部職掌法司讞決案內止應於本犯限內完否定其罪名無容牽涉辦理刑名大臣等其悉朕意尋議侵盜錢糧與貪婪事同一律均以二年限滿有無完贖爲斷上司分賠仍與本犯無涉不在完贖之例其畏罪完項者例得邀恩若限滿不完應由緩決改入情實但侵盜各案情輕重不同嗣後每年秋審內仍照例按限定擬如情罪有與陸開江等相類者雖限內亦擬情實特將未經限滿處聲明請旨並令直省督撫於所屬侵盜各案初入秋審時即將限期扣算起止詳細開明以便臨審公同查覈報聞○庚寅陳大受卒調阿里衮爲兩廣總督以永常爲湖廣總督由安西○辛卯諭兩廣總督陳大受才品優長精明勤慎歎歷

中外倚任方殷前因患病奏明暫交督篆隨經降旨令其在署調理以冀速痊忽聞溘逝朕心深為軫惻著入祀賢良祠以獎賢勞其應得卹典著查例具奏尋予祭葬諡文肅賞給三代封典予其子陳輝祖一品廕生

冬十月丁酉諭刑部進呈湖廣秋審本內斬犯滕有伯該撫原擬情實具題九卿會覈以其救母情切改入緩決殊失輕重滕有伯棍格致斃大功服兄從前三法司按律敷覆擬斬立決經朕降旨致為擬斬監候免其即行正法是該犯救母情切之處已邀格外寬典矣若於秋審之時復擬緩決僅虛予以重辟罪名久且入於矜減之列是乃輕視倫紀豈明刑弼教之意此端一開將使挾仇干犯者轉以父母為起釁之由得肆其毒手愚民益無畏懼且各省督撫以九卿既經改擬凡屬此等案件必有以緩決為請者九卿因其情節稍重又必有改為情實者而言官復援前案相較益致聚訟紛紜非所以明法紀而崇簡要也嗣後由立決改為監候人犯俱應入於情實旬到時即或原罪免句下次亦應仍入情實或情節果輕免句數次之後遇特旨寬減則可耳法司惟應執律問擬此所關於人倫國憲者甚鉅將此論問刑衙門知之○戊戌

楊錫紱丁憂以范時綬署湖南巡撫由湖北布政使署○己亥諭鄂敏著更名鄂樂舜湖北布政使員缺即著鄂樂舜補授所遺四川按察使員缺著宋壽圖補授○甲辰諭安徽江蘇被災州縣米石折賑例價外加給銀二錢○復各省冬季行刑例○定圓明園水操事宜○乙巳諭四川總督策楞奏川省開採礦廠須大員專理請將川北道周琬與建昌道倉德對調周琬已升雲南按察使見據該員以母老獨子呈請仍留道員懇以升銜調建昌道加銅政銜專司廠務等語四川按察使鄂樂舜升任員缺已有旨令宋壽圖補授宋壽圖見在滇省著即補授雲南按察使周琬著調補四川按

察使兼理廠務○丙辰調陳宏謀為河南巡撫舒翰為陝西巡撫由江○丁巳命撥京倉米二萬石分給五城平糶○尙書舒赫德兩江總督尹繼善奏審訊劉宏諷等供官貴震與鄭岐山撰造偽稟一案據供前在東省因刑逼誣供並無確據鄭岐山係捏造之名實非鄭鶴年今遵旨將官貴震等解京備質報聞○己未雲南巡撫愛必達奏採集番字鎮沅府之嬰夷普洱府之車里東川府之探羅順甯府之猛甸猛麻永昌府之耿馬鎮康潞江芒市猛卯遮放干崖南甸蓋達隴川孟連灣甸猛猛等一十八種內遮放與猛卯二種蓋達隴川與南甸三種猛猛與灣甸二種字體相同分彙成書一十四本進呈下部知之

十一月甲子朔署兩廣總督蘇昌等奏照會安南國王接領夷人阮王漢等該夷官回文認領附稱有莫氏餘孽聚徒為匪捕獲渠首莫成陳供稱伊祖父等見僑內地泗城請為查訪查莫氏後裔

東華全錄 乾隆三十四 八

於乾隆六年在泗城滋事移安徽省安插今恐泗城尚有遺種越界搆費應密行查明論軍機大臣等蘇昌定長等奏安南夷官請查莫氏人口一摺意欲即為查辦所見非是莫氏既居泗城即屬內地百姓前此據伊來文辦理已屬一之為甚今又據夷官來文為之查辦此端一開竟成常例設或展轉移查將沿邊州縣日為屬藩查拏人犯既於天朝體制未協且恐從此漸開邊釁應明白曉諭以乾隆六年將莫氏後裔遷徙安插此乃撫字小邦格外恩典見在邊區甯謐該國陪臣惟應安靜自保不得借莫氏遺裔為詞屢向內地查訪特恐滋事之漸如此則明白正大自足折服其心至嚴飭邊防不令內地匪徒偷越搆釁自是封疆大吏分內所應辦又不當因有屬國文移始行整頓也將此諭令蘇昌定長知之○庚辰陽武決口合龍○癸未定邊左副將軍親王成衮扎布奏據驍騎校齊克頓等密報十月十四日有厄魯特庫本等六

十人來縛去貿易回眾及厄魯特人等五十餘人詢據回人巴起稱合吉喇嘛達爾扎夏間遣人往額爾齊斯地方喚達瓦齊達瓦齊不敢往與台吉達什策凌烏巴什議於九月十二日投奔大皇帝達什等密告喇嘛達爾扎至期集兵五千將達瓦齊屬下三千人擒獲一半並此處貿易之達瓦齊屬下人縛去等語又詢貿易來之厄魯特錫喇卜據稱今年秋喇嘛達爾扎差宰桑博和勒岱往喚達瓦齊議事達瓦齊不奉命喇嘛達爾扎遂遣博和勒岱鄂勒哲依二人帶兵一萬往擒達瓦齊知之議於九月二十六日前來投誠後聞博和勒岱等兵將到遂於二十二日帶兵五千行至和通哈爾塔地方策凌烏巴什領兵追戰既敗猶帶殘兵尾追而博和勒岱等兵萬餘在納林布魯爾河阿爾合山梁邀截此時未知如何等語臣已密諭各卡加意防範如有投誠來者酌量情形辦理論軍機大臣等達瓦齊乃準噶爾大策零敦多卜之孫在東華全錄 乾隆三十四 九

彼處眾合吉中較為強大今與伊台吉喇嘛達爾扎不合前來投誠若論與準噶爾和好自不應收受然議定疆界時並無彼此不留逃人之條且自康熙年間以來收來此等之準噶爾人不知凡幾今若不收達瓦齊等是絕伊歸路矣著寄信成衮扎布等達瓦齊若投入我邊卡實係力窮懇求收養著加恩給與口糧及驛馬牲口量為接濟照去年薩喇爾等投來之例將達瓦齊及屬下緊要頭目揀選數人先行馳驛送赴京師其餘人眾照例妥辦候旨備未入我邊卡之先諫使人來懇求接濟則斷不可應付恐墮準噶爾詭計再此際達瓦齊實係率眾投誠與否一得實信即行具摺奏聞○甲申免河南辦運堵築工料民田額賦○乙酉加上皇太后徽號曰 崇慶慈宣康惠敦和裕壽皇太后○丙戌命高斌汪由敦會勘天津河工○戊子 皇太后聖壽節 上奉 皇太后御慈甯宮率王大臣行慶賀禮 御制 慈聖萬壽九如頌

九章○壬辰截留河南漕糧五萬石於天津北倉備糶十二月丙申申命整肅朝儀○丁酉命挑永定河口引河○戊戌 上臨和敬公主和婉公主第○貨船廠渾春地方本年水災旗戶○王寅諭浙省今年春旱成災本重巡撫承貴竟至張皇失措茫無定見於附近之江南江西福建湖廣山東等省既四出告糶不已甚至欲委員遠赴奉天採買米糧且稱賑糶所需必得三百萬石之數方足以資接濟從來辦理賑務斷無因一省中數府被災遂欲竭數省之力以供其用者故朕降旨訓飭乃近聞承貴在浙竟至有心諱飾將來於賑糶諸務必欲多所撙節則是該撫從前並非為民總屬為己其意不過欲多得米石遂可有恃無恐縱事竟不行亦得藉以謝災黎且以杜朕責防人彈封疆大吏豈宜如此存心耶然朕猶以為為百姓起見不防姑留以觀後效是以御史范廷楷以徇庇劣守金洪銓參奏朕亦止降旨飭行以辦東華全錄 乾隆三十四 十

賑之要協與否定其去留今乃一變而有諱災之意是其辦賑不妥矣則徇庇之罪亦應並論且朕子惠元元病瘵在抱一切政務雖寬嚴時酌其中至於賑恤災黎每不惜加恩格外則十六年如一日此天下臣民所共知者若以承貴一人之辦理不善竟至災民失所大非朕勤求民瘼本懷矣且使各省督撫聞風效尤漸啓諱災之習所關於民生休戚者甚鉅實難再為姑容承貴著革職來京候旨其浙江巡撫員缺著雅爾哈善補授見在該省尚有應辦災務著即馳驛前往妥協辦理○甲辰命修濟南北兩運減河○丙午諭各省選拔貢生經朕降旨以十二年舉行一次計至癸酉年即屆選拔之期惟是來京朝考揀選引見劄監讀書或以知縣等官試用或以教職即用或以教職歸班序選條例屢經更定朕思選拔於每學數十百人中拔取一二人且不糊名易書可以驗其人才嚴其素行自當精擇以充其選應令該學政於試列前

茅之士舉其文行兼優才品出眾者會同該督撫秉公揀採以杜  
 濫觴至庠序為陶育人才根本今教職率多昏耄龍鍾濫竽戀棧  
 雖定以六年甄別而上官以開曹多方寬假非國家設以教教本  
 意應分以年限詳加徵汰所遺員缺即以應授教職之選拔充補  
 於士風富有裨益所有選拔貢生赴部驗到作何定限及朝考錄  
 用一切規條俱應詳悉酌定永著為令大學士九卿集議以聞尋  
 議各選拔赴部應以該年十月起限雲南貴州四川廣西廣東甘  
 肅限次年五月到部湖南福建江西浙江湖北陝西限次年三月  
 江南河南山東山西奉天直隸限次年正月其有患病事故者許  
 呈明咨部朝考法除前項選拔補考人少仍照向例在禮部考試  
 外其新選拔應照擬定限期分為三次由禮部奏請 欽點大臣  
 於午門內考試擬定等第進呈卷分三等不入等者本生斥革發  
 回原學該學政及督撫府尹一併議處再向例朝考後禮部會同  
 東華全錄 乾隆三十四 十一

九卿揀選引見有奉旨以知縣及知縣以下等官試用者餘劄監  
 肄業三年期滿以教職選用其考取景山等處教習期滿引見候  
 旨分選知縣教職歸本籍肄業者遇考職之年准考取州同州判  
 縣丞有願就佐貳及教職者以直隸州州判復設教諭選用乾隆  
 二年議停今請照舊揀選一二等引見候旨簡用從之○禁苗人  
 充補苗疆領兵○以鍾音為戶部右侍郎由盛京刑部侍郎董邦達為禮  
 部右侍郎由內閣○辛亥以富森為盛京刑部侍郎由通政使錢維  
 城為內閣學士由翰林院○甲寅軍機大臣等議覆宗人府襲  
 封舊例除親王郡王世職不降外其貝勒以下遞降至入八分輔  
 國公及不入八分遞降至奉恩將軍均世襲罔替如木身襲封奉  
 國將軍嫡子降奉恩將軍餘子亦封奉恩將軍其奉恩將軍之嫡  
 子嫡孫例得襲封此外皆為閒散宗室今按會典一等二等三等  
 奉國將軍嫡子仍襲封父爵餘子均封奉國將軍在應襲奉國將

軍之嫡子不過較向例增一等而餘子之應封奉恩將軍者世世  
 加增揆之親親之殺義覺未協再查不入八分鎮國公嫡子例降  
 不入八分輔國公不入八分輔國公應降三等鎮國將軍今會典  
 載不入八分公嫡子仍襲父爵嫡子世世襲封餘子亦世世加增  
 並三等輔國將軍子孫應襲之爵日遠日多似過於從優茲於封  
 爵新表內並將舊例貼籤呈進得旨著照舊改寫進呈尋奏發會  
 典館遵辦報聞○是歲朝鮮琉球來貢○會計天下民數數各省  
 通共大小男婦一萬八千一百八十一萬一千三百五十九名口  
 各省通共存倉米穀二千七百三十四萬一千二百七十五石七  
 斗七升四各三勺零

東華全錄 乾隆三十四

十一

臣王先謙敬編

臣周潤蕃恭校

乾隆十七年壬申春正月甲子撥倉米四百石給左右翼米局平糶○王申諭各省每年完欠錢糧俱著奏銷時數奏○乙亥進噶爾台吉喇嘛達爾扎奏前遣使臣額爾欽尼瑪將前往西藏聘請喇嘛之事具奏蒙恩准於再遣使臣入貢時延請自德行喇嘛四五人前來教誨眾喇嘛不勝感激今遣使臣圖卜濟爾哈朗進貢並延請喇嘛懇於呼圖克圖三人內恭請一人於推廣黃教官有裨益並祈仍照前奏許令我處遣人輕騎減從前往西藏為我先人設儀進供所有沿途派撥官員兵丁照看等事雖覺繁瑣但已蒙恩和好而遣往之人為數無幾倘屬易行使遠近聞知無不仰慕盛德其貿易之事令使臣口奏奏入賜喇嘛達爾扎敕書曰據東華全錄 乾隆三十五

一  
台吉奏懇於呼圖克圖三人內延請一人前往爾處推衍黃教並懇准爾處遣人至藏進供等語去年爾使額爾欽尼瑪來以延請喇嘛之事具奏朕已明降諭旨我中國呼圖克圖三人及有德行喇嘛俱有教習學藝之事不可遣往但朕不忍令爾處黃教滅絕故特許於西藏揀選有德行喇嘛到京俟爾再遣使來准令請往是時降旨後朕即令達賴喇嘛揀選精於經呪可以推衍黃教之喇嘛十人送至京師今爾不遵朕旨反以斷不可遣往之呼圖克圖為請是爾並非真心推衍黃教可知况西藏選來之喇嘛爾來使亦曾會面以未奉爾命不敢延請朕自去年即挑裁內喇嘛至京以待爾之延請今爾使既至又不請往是爾原無請喇嘛之意今併此喇嘛十人亦不遣往矣至爾奏遣人至藏一事去年爾使臣額爾欽尼瑪來時以爾筭位為辭朕既降旨必無換一白吉即遣人進藏一次之理今來使又以追報爾父噶爾丹策零為辭果

爾則從前策旺多爾濟那木扎勒已經為爾父熬茶一次安得今又差人前往設有子十人將十次差人進藏乎來使又奏使臣來往請不限人數肅州貿易牲畜內不如有者准其售賣等語從前我大臣與爾使臣哈喇定議有事差人不攜買賣後因每次遣來使臣俱託言預備口糧攜帶貨物漸漸加增本應不在貿易勒令帶回朕因和好是以施恩來使令照尼瑪所帶貨物為準其人數若不限定日久亦難遵行故亦令以五十人為準至肅州貿易復加恩准照乾隆十三年最多之數貿易一節原係小人謀利之事爾等攜來不堪之物慮我中國之人不用若我中國之人將不堪之物拾得等語等肯受乎此事瑣屑朕所不問即我封疆大臣亦不屑辦理爾何必以此瀆奏來使又以逃走之薩喇爾賜回為請薩喇爾雖來自爾處實因懼禍逃生朕為天下大皇帝以生成眾生為本豈肯轉置之死地况我中國逃至爾處如羅卜藏丹津者甚多若一一索取不可勝計朕並不索取一人即爾送至朕亦不受朕以為既往之事不忍深究爾反求給回甚屬錯誤爾若念爾父恭順和好年年遣使請安受朕恩典事屬可行若以此等斷不可行之事瀆奏究屬無益是以特降飭旨令爾使圖卜濟爾哈朗齎歸諭爾知之○己卯盛京禮部侍郎德齡奏請終養允之○庚辰諭盛京包衣三旗佐領等官皆係職分相等之員並無統領辦事之人難保無互相推諉及掣肘遺誤之處盛京地方最為緊要應行設一總管內務府大臣專轄將此承著為令見應增設之缺著將軍阿爾賽兼管○癸未諭據江西巡撫鄂昌奏廣饒九南道施廷翰之子施奕度傳鈔偽稟該道是否知情非加確訊不能得實請解任審究等語從前河庫道李宏係長隨管工人等私相傳鈔經該督參奏是以降旨解任質審及訊明並不知情即予開復今施廷翰身為巡道稽查是其專責乃伊子施奕度將此等逆稟

展轉傳播失察之咎實所難辭且亦斷無不知情之理非李宏一案所可並論施廷翰著革職交與該撫一併審究具奏○諭軍機大臣等從前旨降旨傳諭各省督撫等凡陳奏內應行交部事件俱不必將奇論之旨敘入今新柱定長會奏審擬恩陵士目羅文立等越界圖占夷田捏報夷人拔竹毀墳一案既據聲明例應繕疏具題因封印在卽不及繕本是以恭摺具奏等語是此奏卽應交部覆擬者乃措內仍將奇論旨裝敘殊屬不合已命軍機大臣節去鈔發著傳諭知之○定邊左副將軍親王成衮扎布奏據防卡驍騎校齊克慎報稱準噶爾宰奈瑪木特等遣人來告稱達瓦齊作亂在納林布魯爾地方被我兵殺敗達瓦齊與阿睦爾撒納等十二人逃出不知去向是以我台吉台爾台等處遊牧宰桑三人帶兵往烏爾圖大坂努克穆隆都什訛羅海華碩圖洪郭爾鄂隆舒魯克圖得樓等七處隘口駐紮以防達瓦齊與阿睦爾撒納等全疎  
東華全錄 乾隆三十五 三  
撤納噶道恐各卡疑我無故動兵特來告知等語又據蒙古營旗章京莫尼扎卜前往烏梁海確訪信息有準噶爾人至烏梁海探親告稱達瓦齊於去年九月內與台吉喇嘛達爾扎有隙私與台吉達什阿睦爾撒納班珠爾策凌沙克都爾等商議投順 大皇帝其後達什沙克都爾反將商議之事告知喇嘛達爾扎卽帶兵追趕與達瓦齊戰敗而回達瓦齊又與阿睦爾撒納班珠爾等商議若投中兩國恐阿爾台地方有兵堵截地狹難過因向額爾齊斯前赴哈薩克等語諭軍機大臣等準噶爾向多詭詐伊等如果慮達瓦齊等實不過派兵防守足矣今反遣人來告殊屬可疑此或伊等恐我處生疑故爲安慰卻暗行詭計猝然闖入我境亦未可知聞哈爾喀遊牧多有距卡座甚近者今若不豫籌防範恐賊人一旦竊發不暇向內收移將反令其得利所有附近卡座之喀爾喀遊牧應早令收入腹地方妥然此時速使移徙又不免起眾人

驚疑且或賊人聞知轉以我爲畏懼此中宜緩宜急應如何熟計妥辦甚關緊要今派尙書舒赫德侍郎玉保前往軍營查看軍容器械著傳諭成衮扎布侯伊等到時會商密議務期籌畫盡善定議具奏○丙戌諭河南山東修築歷年太行隄○丁亥諭前因和其衷於傳鈔偽稟一案聽從幕賓劉宏謙干請迷復隨同隱匿居心巧詐是以革職交部定擬今既據官貴震等劄案審明劉宏謙原係妄供和其衷並未聽其干請則和其衷之事前隱匿尙屬屈於上可其罪與準噶爾有開和其衷著加恩從寬釋放○己丑以沈嘉徵爲雲南按察使  
東華全錄 乾隆三十五 四  
加恩追諡用示褒崇大學士等具摺以開尋予諡文懿○己亥上御經筵○諭準泰之罪業經寬赦卽著釋放○ 皇十一子永理生○辛丑諭喀爾吉善等所奏傳鈔偽稟案內浙江提督衙門書吏包琳供係從前提督內衙傳出提臣吳進義始終隱匿今既詢出實情必須向吳進義根問內衙原稟來歷方可從此逐層根究等語吳進義身爲大臣乃任家人胥役傳播偽稟仍復有心隱諱殊屬負恩已降旨解任所有應行質詢之處著督撫等嚴行根突據實奏聞○以定邊左副將軍成衮扎布之弟公車布登扎布爲扎薩克另編佐領○以下塔海蘇章阿俱爲內閣學士  
寺卿蘇章阿山內閣學士  
閣侍讀學士  
東二司則充提調監試之任後以藩臬爲通省錢穀刑名應改用道員而巡撫之監臨如故所以重試典也但巡撫磨封疆之寄職守甚重其督撫同城者尙有總督可以綜理若專係巡撫駐紮

口分及雖與總督同城而該督因事他出則止巡撫一人在省循  
例入關於地方不足以示彈壓嗣後此等省分應於藩臬二司內  
酌委一員入關監臨巡撫於三場點名時仍舊同藩臬稽查則客  
與大典既為嚴密而封疆專寄亦昭慎重矣○甲寅 上啓鑿謁  
東陵○諭軍機大臣等前因喀爾吉善等奏到浙省查辦傳鈔  
偽案案內有由提督內衙傳出之語已降旨將吳進義解任今據  
吳進義奏到包琳一犯又經自縊斃命著將原摺鈔寄喀爾吉善  
雅爾哈善令將該犯是否自縊抑圖滅口了事之處秉公確查務  
得實在情形詳悉奏聞尋覆奏吳進義以為案由內衙傳出會  
屬令包琳不可供明來思及解省質對包琳勢難抵賴遂直供實  
情又慮獲罪遂情急自縊實無滅口了事之處報聞○丙辰諭軍  
機大臣等據班第等奏稱布魯克巴之額爾德尼第巴博羅特色  
勒都卜聞朕加恩於達賴喇嘛撫定土伯特眾生抒誠內向進貢  
東華全錄 乾隆三十五 五  
方物等語布魯克巴乃遠方部落開朕安撫西藏眾生傾心悅服  
奏請朕安甚屬可嘉著施恩賞賚以示褒獎○丁巳 上謂 昭  
西陵 孝陵 孝東陵 景陵○諭軍機大臣等浙省傳鈔偽案  
案內仇英供係提督內衙傳出應將吳進義家人究明來歷今據  
吳進義前後具摺奏辦以承審官逼令畫供已成冤獄請特派大  
臣審訊等語係撰逆案本出情理之外在吳進義身受厚恩若謂  
此案竟出伊手朕可保其必無是事但伊本屬武人年已衰老文  
移案件豈能一一過目或由提塘以新聞稟報吳進義不加檢點  
自有應得之咎若併此俱欲洗刷淨盡轉非實在情形若謂喀爾  
吉善與之不協亦何必藉此大案授意問官株連文致且平日亦  
未見其有不協之處何值特派大臣赴審駭人聽聞朕看來吳進  
義不過如此是以從前降旨止以年老解任不因關涉偽案即行  
革職治罪也著喀爾吉善將此旨傳諭吳進義知之若有別情亦

旨相度金陵在房山縣北崇山之丙金太祖陵前地基稍寬應增  
修享殿一楹以圍牆立正門其原有之祭臺甬路階砌等項並加  
修治金世宗陵前地隘應增修享殿一並祭臺圍牆甬路等項不  
能立正門今就碑亭接建柵關立兩角門足符體制並將自房山  
北門至金陵山路二十里一併修治奏入報聞  
三月丙寅 上回鑾○戊辰汪德馨以營私革職以沈偉業為廣  
東按察使由湖南鹽 ○庚午 上還宮○辛未諭前將查倉未能  
盡心之王大臣等議處今據宗人府奏稱將和親王或革退都統  
或罰都統俸餉之處兩議請旨夫查倉並非都統專任因派出入  
等有兼轄都統者方可革退都統若派無兼轄之王亦將伊之王  
爵革退乎如果係兼轄任內之事自應視其所管之職議處查倉  
並非都統專任伊等若云不知亦應即議革退都統何又兩議請  
東華全錄 乾隆三十五 六  
旨宗人府王公等明知事例故意嘗試甚屬取巧伊等照例定議  
朕或施恩亦未可定今如此瞻徇豈受其請託耶抑借以傾陷耶  
大凡施恩治罪朕自有定見誰敢任意輕重從前 皇考時似此  
嚴諭議處之事該王公等未有如此兩議請旨者將視朕為何如  
主敢如此嘗試耶著將宗人府王公等交該部嚴加議處具奏○  
乙亥 上親耕藉田○戊寅諭潘思榘簡任巡撫實心砥勉今患  
病瘡逝深為軫惜著照江蘇巡撫徐士林之例入京師賢良祠以  
示優卹其遺摺內所請封典贈賻之處著加恩賞給一品封典所  
有應得卹典亦著加恩照一品之例賞給尋子諡敏惠○調陳宏  
謀為福建巡撫以蔣炳為河南巡撫○己卯諭都察院此所議宗  
人府王公處分又屬觀望全不實心前因宗人府議處和親王弘  
晝以兩請具奏瞻徇取巧是以特命都察院嚴察議處夫議者議  
其罪也且八議之義全焉王公等非干大故從無革去王爵降為

庶人之理部察院果以此議爲當乎亦不過云如此議上必  
不依議另定處分而已即云比較臣工瞻徇取巧之例應革職則  
王等本由宗令宗正任內議事獲罪亦應議革宗令宗正之職則  
革夫親王何有是明知朕必不革去兩親王兩郡王而放如此立  
議以爲可以立身無過而於朝廷之體制事理之當然與不之論  
是豈大臣實心敬事之道朕辦理庶政務協厥中從寬從嚴毫無  
成見乃諸臣議事一不衷之於理非以嘗試取巧則以從重而思  
出自上爲自全之術無以實心爲國家任事者朕將奚望亦甚自  
慚此案亦不必再交另議裕親王廣祿履親王允禩慎郡王允禩  
順承郡王泰斐英阿俱著罰王俸一年足矣其都察院官交該部  
嚴加議處具奏尋吏部議上得旨梅鼓成積德廣成碩寶瓊舒敏  
戴章甫常海王應綏俱著革職從寬留任陳惠華著從寬免其革  
任仍註冊○辛巳諭朕恭閱 太宗文皇帝實錄內載崇德元年  
東華全錄 乾隆三十五 七  
十一月癸丑日 上御翔鳳樓集諸親王郡王貝勒固山額真都  
察院官命宏文院大臣讀大金世祖本紀 上諭欲曰爾等審聽  
之世宗者蒙古漢人諸國聲名顯著之賢君也故當時後世咸稱  
爲小堯舜朕披覽此書悉其梗槩殊覺心往神馳耳目明快倍加  
歎賞朕思金太祖太宗法度詳明可垂久遠至熙宗合喇及完顏  
亮之世盡廢之耽於酒色盤樂無度效漢人之陋習世宗即位奮  
圖法祖勤求治理惟恐子孫仍效漢俗豫爲禁約屢以無忘祖宗  
爲訓衣服語言悉遵舊制時時練習騎射以備武功雖垂訓如此  
後世之君漸至懈廢荒其騎射至於哀宗社稷傾危國遂滅亡乃  
知凡爲君者耽於酒色未有不亡者也先時儒臣巴克什達海庫  
爾纏屢勸朕改滿洲衣冠效漢人服飾制度朕不從輒以爲朕不  
納諫朕試設爲此喻如我等於此聚集寬衣大袖左佩弓右挾矢  
忽遇碩翁科羅巴圖魯勞薩挺身突入我等能御之乎若廢騎射

寬衣大袖侍人割肉而後食與尚左手之人何以異耶朕發此言  
正爲子孫萬世之計也在朕身豈有更變之理恐日後子孫忘舊  
制廢騎射以致漢俗故嘗切此慮耳我國士卒初有幾何因嫻於  
騎射所以野戰則克攻城則取天下咸稱我兵曰立則不動搖進  
則不回顧威名震懾莫與爭鋒此番往征燕兵出邊我之軍威竟  
爲八大臣所累矣故論爾等其謹識朕言欽此朕每敬讀 聖謨  
不勝欽懷感慕深惟國家開創之時我 祖宗躬親勞瘁勤求治  
理追懷相傳罔敢踰越以立萬世之丕基至於今感受無疆之福  
者皆何道 明訓所致也我朝滿洲先正遺風自當永遠遵守  
而勿習是以朕常躬率八旗臣僕行圍較獵時時以學習國語熟  
練騎射操演技勇諄切訓誨無非率出舊章以傳奕禩永膺福祚  
惟是我 皇祖太宗聖訓所垂載在 實錄若非刊刻宣示則累  
朝相傳之家法外延臣庶何由共悉且自古顯謨令典多泐之金  
東華全錄 乾隆三十五 八  
石曉諭羣工我 皇祖太宗之睿聖特申告誠昭示來茲益當敬  
勅真珉永垂法守著於紫禁箭亭御園引見樓及侍衛教場入旗  
教場各立碑刊刻以昭朕紹述推廣至意俾我後世子孫臣庶咸  
知滿洲舊制敬謹遵行學習騎射爛熟國語敦崇醇樸屏去浮華  
毋或稍有怠惰式克欽承 彝訓冀億萬世子孫共享無疆之祚  
焉○甲申以李世倬爲左副都御史 由大理寺卿遷 ○丙戌浙江巡撫雅  
爾哈善奏遵旨傳提吳進義到案檢齊原供並各犯嚴訊眾供一  
詞俱稱偽稟係吳進義內衙傳出即伊幕友家人亦俱供認於上  
年四月二十二日誤發而傳鈔聚看各犯並取供後自縊之包琳  
均係該衙門書辦吳進義於事敗後逐犯傳屬用言慰諭令勿供  
傳自內衙意欲設卸於史善墨一犯請將吳進義革職以便嚴行  
根究得旨吳進義已經解任不必另降諭旨發部即著照所請行  
該部知之○庚寅 上詣 黑龍潭祈雨

夏四月丙申諭宗人府所奏王公等朝期摺內康親王屢次註寫  
患病康親王年近八旬步履艱難亦係實情著加恩免其入朝嗣  
後王公內有年至七旬者即照此例○王寅諭軍機大臣等喀爾  
吉善奏到溫台屬縣奸民強搶米石見委道府究明爲首之人用  
大枷枷號徧遊城鄉兩月滿日仍行收禁按律從重定擬等語此  
等強搶爲首之犯鼓惑鄉愚肆行不法最爲地方之害必當示以  
重懲方足禁遏刁風卽其罪不至死亦不可拘泥常例僅予枷號  
兩月應令永遠枷號俟一二年後酌量省釋奸民庶知敬惕大凡  
搶奪之案多由富民居奇開羅而起地方官遇有災傷卽當先期  
一面勸諭富民出所有餘通融平糶一面密爲彈壓保護使兩得  
其平則奸民無可乘之機地方自必甯靜搶奪已行執法而繩  
其後富者被劫貧者受刑所傷實多已無及矣至事後辦理過嚴  
則以求生迫急之災黎罹於刑憲實可憫側過寬則強梁縱肆之  
東華全錄 乾隆三十五 九

洋招墾多保無藉之徒千百成羣難保不爲盜匪若安營防守不  
特官廩營房餉精雜費該地賦稅不敷十之一二抑且門戶錯雜  
沙塗平坦設險尤難並非舟山玉環等處有山翁之限者可比况  
既經招墾則日用米糧確儲鹽鐵卽應聽其販運守口員弁無從  
分別更難保奸宄之徒必無出洋濟匪之事下軍機大臣議並傳  
歐陽正煥閱詢尋奏喀爾吉善等議覆一摺交該御史閱看並詢  
其是否確有所見據稱乾隆十五年因奉差至浙詢及地方人稠  
田少情形得聞南田墾可墾之土甚多因復細訪南田見屬象山  
初不等海外棄地國家承平海疆甯靖一經開墾則居民所在更  
成土著至於築塘蓄水本農功所不廢安營設汛又國制之自然  
苟慮法所難稽則見在非無防守且道塗平坦卽召民耕種亦不  
至聚集爲奸竊以玉環舟山等處前督臣李衛奏請開墾在雍正  
六七年間其未墾以前固猶今之南田墾耳惟地方官以身任事  
東華全錄 乾隆三十五 十

徒一呼百應更慮釀成事端該督撫辦災時當一一豫向司道明  
示此意使董率屬員善爲體悉方合機宜見在青黃不接之時尤  
當時時留心將此諭喀爾吉善知之○甲辰命截留浙江漕糧四  
十萬石江西漕糧二十萬石湖廣漕糧十萬石抵補動撥倉儲○  
丙午閩浙總督喀爾吉善等議覆御史歐陽正煥請開南田墾田  
畝一摺此墾孤懸大海直接外洋距甯波府屬之象山縣並台州  
府屬之甯海縣洋面五六十里至數百里不等內有三十餘塊外  
有平沙總名南田元季流民會耕鑿其間後爲洋匪剽劫又因地  
近日本至明初卽行封禁迄今四百餘年民人屢請開墾歷任督  
撫委勘利少害多是以未允臣等細加查訪實有應禁而不應開  
者緣塗墾可墾之地統計不及七十餘頃而山徑磽田必須築塘  
蓄水懸海坦沙又須砌礮禦賊霖雨有沙壓水衝之患晴霽有旱  
乾之虞卽雨暘時若而風潮之激盪鹹氣之薰蒸收穫難必且外

自於民生有裨今該督撫亦稱宜禁而不宜開則原非無阡陌之  
利可知正煥雖係得之傳聞亦再三細訪初未敢冒昧陳奏然實  
未身履其地等語查該御史雖似有所見而實未身履其地方今  
生齒日繁地無遺利况南田近在內洋與海疆無隔自可聽民開  
墾然自明初封禁至今已閱四百餘年卽前督臣李衛奏請開墾  
玉環舟山二處而此獨未經講求者亦必確有不便之處今喀爾  
吉善等既稱細察形勢不應開墾臣等愚見似毋庸再行查辦報  
聞○庚戌湖廣總督永常奏羅田縣奸民馬朝柱等句眾爲匪臣  
撥兵搜緝匪黨潛居江省英山縣之天馬寨當卽兼程親赴交界  
恐各處居民不免驚擾因揭示徧發羅田蘄州廣濟黃梅等州縣  
並諭被誘入夥者許首出自新能擒首從要犯從重獎賞嗣各處  
獲犯一百餘名單提要記馬朝柱之母妻子姪研訊據供尙有頭  
目張錫玉宋元成吳承雲李永爵卽李開花等在四川峨嵋山西

洋寨餘黨散布江南桐城太湖常州河南汴梁等處查馬朝柱假  
捏神符句結匪黨散札招軍精糧製械種種悖逆罪不容誅幸及  
早敗露見已多半就獲臣等所屬分路窮搜務期速竣並查四  
川江西南河南各督撫嚴密訪拏無使滋蔓即日前赴天堂天馬二  
寨相度善後之計得旨覽奏甚屬可嘉但正犯尚未就擒宜盡  
心搜捕尹繼善亦奏稱前往汝二人若得會而將兩省交界賊奸  
之處悉心詳議以杜後患更爲周備也又詢永常奏到羅田縣奸  
匪馬朝柱句聚爲逆一案已將該犯家口拏獲且經親赴羅田縣  
督辦等語江南接山兵役會否捕獲匪黨並所稱山寨情狀若何  
改光宗親至其地必有確見此案發覺由蘄州知州李琰已傳旨  
嘉獎其羅田縣知縣馮深龍乃謂馬朝柱等開荒燒炭獲利近居  
好事之徒捏稱伊等聚眾垂涎手占翼以此消弭重案免地方失  
察之咎此等奸匪雖不足道而星星之火可以燎原若不於未發  
東華全錄 乾隆三十五 土  
之先急爲查辦迨其後有所舉動則貽害地方良民之受荼毒者  
必多矣州縣中於所屬地方稽查奸究發於未行保境安良卽當  
加恩顯擢其畏葸避事粉飾養奸實足貽害地方必當置之重典  
不可姑容爲上司者樂聞恬熙無事之言未有不爲所愚惑者將  
此傳諭尹繼善令其督率該地方官竭力速行辦理但此時尙宜  
密之不可洩漏○丙辰 皇十二子永璘生

出威樂享昇平此等匪民潛謀叛逆貽禍良善身任地方之責者  
一有所聞卽應迅速查辦務絕根株庶不致蔓延滋事儻有畏難  
姑息之見俾得煽誘鄉愚恣行屯聚卽不難以兵力盡舉而殲旃  
而閭閻之受其擾累者已不可言矣羅田縣知縣馮深龍初奉該  
督撫檄飭查勘意在粉飾了事輒以開山獲利均屬勞苦農民並  
無可疑形迹等情草率稟覆夫馬朝柱等自乾隆十五年潛往該  
處結黨聚眾伊既沒無覺察及上司訪聞檄飭竟不親身赴寨確  
查轉以誣粟掩飾至已經敗露之際又不親往搜捕以致首逆遠  
颺縱惡養奸其此爲其朝廷賞罰必在嚴明此等劣員若不立置  
重辟將來守土之吏亦何以責其捍災禦患而爲百姓除害乎且  
設使更有大於此案者其貽禍尙可問乎馮深龍著交該處卽  
行正法並宣諭守令各官使果能身任其事勇往勦除未必卽至  
爲賊戕害縱或身搜賊鋒奉職而死國家酬庸之典必且加之優  
東華全錄 乾隆三十五 土  
卹延及子孫而畏葸避事之徒思欲保全軀命終爲法所不容凡  
有地方之責者均當以此爲戒總督永常著交部以軍功議敘總  
督尹繼善著交部議敘兩省在事文武員弁交各該督查明分別  
等次報部議敘其從前失察各員均著查明議處馬朝柱等均著  
各該地方嚴緝務獲已獲逆黨人犯除應候遵首實訊定擬者仍  
牢固監禁外餘卽研訊確實分別情罪重輕按例定擬應正法者  
卽行正法應發落者卽予發落完結至該二省毗連山嶺險僻路  
徑錯雜處所應如何設法查禁防範卽著永常尹繼善會商速行  
定議奏聞事已就緒永常尹繼善亦不必久駐邊縣著回省○原  
任湖北巡撫晏斯盛卒遺疏聞並請卹封三代得旨晏斯盛患病  
溘逝知道了應得卹典該部察例具奏所請卹封之處著加恩賞  
給三代○丙寅論廣東提督林君升山西按察使唐綬祖各奏請  
將本身及妻室應得封典卹贈高祖父母殊屬不合夫臣子封贈

之典以三代為限此即古者大夫三廟之義其地封之例豈專為二三品官不能封贈其曾祖父母四品以下不能封贈其祖父母推廣錫類之恩以曲成其報本之意也若已得三代封典而又請賜贈高祖父母是四代矣綸綍之錫上及三世臣子之分已為極榮更等而上之抑將何所限制乎向來文武一品大臣從無以此陳請者誠知定分之不可踰也林君升本係武臣不知國體率意陳奏尚無足責唐紹祖久歷中外曾任封疆何亦昧昧若是本應交部以違例議處但念其希恩之請雖則非分而追遠之念尙屬可原著傳旨申飭○乙酉嚴有禧因病解任以屠嘉正為貴州按察使由湖北上○戊子發帑修河南武陟等五縣隄工

六月庚寅朔諭京察之年部院大臣各省督撫循例自陳求斥罷候旨照舊供職此雖三載考績之義但卿貳職贊機務督撫任寄封疆朕量材簡擢日復於懷其有不副委任或克稱簡畀者率已隨時黜陟斷無違待三年之理凡可俟至京察解退者不過閒曹冷署年力衰昏而又非有大過介於可去可留之間者耳且身列大臣謬以斥罷為辭是相率為偽誠無謂也嗣自今內而部院司員外而道府京察大計之例仍舉行以昭激勸其自陳繫文著停止以示崇實武職五年軍政視此○壬辰論蝗蝻害稼最烈 皇

東華全錄 乾隆三十五

五

考會特降旨地方官不即時撲滅者著革職等語督撫嚴加處分載在令甲誠以捕蝗必用民力人力勝則蝗不成災故明示之禁使知所從事比者督撫養尊自逸且畏處分如方觀承蔣炳者非朕旨督責幾令捕蝗不力之劣員幸免矣夫念人事而損田功上孤天脫奈何底一二不肖劣員而貽數萬戶生靈之戚昔人所謂一家突何如一路哭者甯末之問耶牧令或委之業戶未報不思官以知為名則所治之一州一邑事無大小皆所當知必待受膏者呼號始覺已不稱其名而殫厥官矣彼即不報爾何不知察耶

即恐致踐且幸其飛食他境匪不具報愚民或有此情則償其所損又有成例如果明切開導家喻戶曉民即至愚豈不計及蝗蝻初生甚微撲捕不過踰及滿吹墮隙無難補種且所失得償亦何憚而不報耶平日不講求禦害之方臨事又不身先督率徒事粉飾徇隱民飢罪歲咎孰大焉特用申明禁令各該督撫其嚴飭所屬敢有怠於奉行徇縱殃民者必重治其罪○諭侍郎錢陳羣因患病未痊奏請解任調理著准其解任派劉裕鐸前往診視俟秋涼起程回籍調理病痊後奏聞赴關伊子編修錢汝誠著隨侍伊父抵家再行來京供職刑部侍郎員缺著王治補授仍兼管刑部統○諭軍機大臣等近日督撫辦事有所謂上和下睦兩面見好之說鑰鑰為勇往任事以求取信而險市私惠謂有旋乾轉坤之力使屬員心感尹繼善慣用此術方觀承及巡撫中一二能事者趨而效之惟策楞喀爾吉善黃廷桂尚存本色阿里裘亦不至此頑色更復不能謂臣心術才具日熟復於朕胸中任術取巧者皆洞見肺腑其何益之有大臣中有以取巧得利益者乎今日批示將炳摺奏切中時弊著因便鈔寄各督撫閱看○諭據江南提督武進陞奏稱上年八月間崇明鎮奇營遊擊今升參將孫鼎元由松江謁見口稱有孫嘉淦條奏一事令其鈔襲來看未曾入告數月以來展轉思維寢食不安今又據吳進義供出由松江提塘陳公壽傳報請交部嚴加治罪武進陞已有旨諭令休致但孫鼎元係參將大員公然鈔傳偽稟武進陞閱看已經數月直至浙省咨察提塘事不可掩始行入告該督撫見在查辦偽稟豈毫無聞見乃並不據實奏聞此非止繼善之取巧而何看來近來大臣辦事有所謂上和下睦兩面見好秘鑰貌為勇往幹辦實心任事以求取信而險市私恩取名譽以為力能旋乾轉坤此尹繼善慣用之術而近日如方觀承蔣炳一二能事之員皆趨效之朕已於

東華全錄 乾隆三十五

五

求取信而險市私恩取名譽以為力能旋乾轉坤此尹繼善慣用之術而近日如方觀承蔣炳一二能事之員皆趨效之朕已於

蔣炳摺內批示著鈔寄各督撫閱看試思此等伎倆能逃朕洞鑿乎督撫用此術而得利益者何人乎莊有恭既將提摺陳公馬拳獲亦不據實陳奏伊非他人可比若亦取巧一路何以承朕恩典耶尹繼善莊有恭俱著傳旨申飭江省辦理倘稟之案前經降旨詢問尹繼善亦未覆奏著再行傳諭令其據實查奏尋奏五月十四日准浙撫雅爾哈善密咨琴松江提塘陳公壽臣深幸此綾一得江甯提塘之凌祖耀江西提塘之章錦等俱可互勘得實親提嚴鞫矢口不承臣恐其因無實證茹刑狡供仰祈該犯解浙質審據實撫各稱陳公壽供出偽摺得自鹽門外普濟堂之董事張世勳飭屬往查並無其人因浙撫咨內未詳敘陳公壽全供復專著臣錄至今尚未覆到不敢妄奏得旨人孰無過能改即無過矣

癸巳諭臺灣彰化縣兇番戕殺兵民一案督提所奏據該地方文武稟報互具俱未得實情立柱錢琦見差巡察八之未奏東華全錄 乾隆三十五

因傳旨詢問並令察訪確情今立柱錢琦覆奏仍屬枝梧未得實情言官爲朝廷耳目况身處其地無難審察情偽乃據地方官稟報敷衍其詞並未親往察勘且稱初札商督撫會飭入官經駁回專摺具奏似此則巡察竟成冗贅於設官本意失之遠矣立柱錢琦著交部議處原摺並發看來臺灣文有道府武有鎮營足資彈壓巡察三年更替往擁虛名事權則不如督撫切近又不如守令介在其間在有志向上者或以多事致敗而循分供職者多致志氣驕矜或且歎爲擯斥外出也於公事殊無裨益所有巡察臺灣御史著三年一次命往事竣即回不必留駐候代著爲例○癸卯諭滿洲大臣勤習騎射○丁未 御試翰林詹事等官擢汪廷璠等三員爲一等試滿洲由部院改入翰林詹事等官擢德爾泰爲一等餘各升黜留皆有差○癸丑以蔡新爲工部侍郎寶九鼎爲內閣學士○丙辰楊應琯丁憂以鄂樂爲甘肅巡撫德福爲

湖北布政使同德爲浙江按察使○丁巳諭軍機大臣等前因蔣炳查看黃河隄工情形奏稱河底受淤向無疏濬之法惟有將兩岸堤壩加修高厚等語朕批示此雖無法然兩岸益高束水牆上之策未有不慎事者仍應悉心講求取直去濶俾自行刷汕之法爲庶幾耳究之蔣炳所奏原非目下有亟應辦理之河工不過因親勘河工爲此常談之論而朕之所批亦不過統論治河之道加高培厚不若取直去濶庶後此遇有應作工處俾知所遵守非令其於此時別開取直去濶之引河也今顧琮蔣炳乃會奏於祥符汛十九堡對岸看得引河一千七百餘丈蘭陽汛改察對岸看得引河一千三百餘丈均應開挖請於霜降後逐員分段價挑等語是固朕批而生新工矣黃河水勢無常所謂取直去濶不過因勢利導耳若欲於河底開挖引河以待來年汛水開放夫引河有幾許寬深遂能容受全河盛汛乎汛過即淤工費徒爲虛擲此理甚明人所易曉從來河員樂於工作可圖領帑訖銷不講則已講則非濬即築必有當興之工有如醫者有疾無疾診必有方幸而不爲大害否則削正引邪往往竟成痼疾河工似此無益之費不知凡幾高斌近年經朕指示南河稍知裁制然如前此奏請改運口謂可永無黃水倒漾之患而今歲伏汛仍不免淮弱黃強黃流入運則所改運口其受益安在顧琮等所奏霜降後興工開挖引河之處竟不必行著大學士高斌於秋汛過後河務稍暇赴豫查勘是否應行開濬或不必挑挖詳審度具摺奏聞蔣炳等摺一併鈔寄高斌閱看凡經管河務之該督撫將此旨一併諭令知之

臣王先謙敬編

臣周澗蕃恭校

秋七月己未朔諭軍機大臣等碩色奏查閱黔省營伍摺內古州屯軍一項從前所給屯田不敷日用查看山頭地角尚不無餘隙已飭古州兵備道督勸屯軍將附近山岡畸零隙地勤加開墾等語此事似近理而必不可行屯地與苗疆相錯凡所謂山頭地角附近屯田者皆苗地也既經分設屯糧相安已久一令開墾將來越界占墾無已必有借此侵佔苗田生事起釁者若謂屯軍生齒日眾苗人又何獨不然此時雖為隙地至開墾之後必不甘心爭奪之端由此而起是所補於屯軍者甚微而闢墾苗疆者甚大不可因屯軍一時之感激而不為苗疆久遠計也該督身任封疆何乃見不及此一任屬弁等慈憫遠爾准行殊屬非是已諭開泰令東華全錄 乾隆三十六

就近飭該道等即行停止可即傳諭碩色知之○癸亥以增壽保為左副都御史山太僕寺少卿○甲子諭今歲熱河熱審減等展至處署日止○乙丑和碩爾親王德沛薨子祭○丙寅諭匪徒重利盤剝旗人發拉林阿勒楚喀種地○辛未顧濟美緣事解任以德舒為福建布政使來謙鳴為福建按察使由延建道遷○王申諭刑部熱審減等加展至兩足後止○乙亥莊親王允祿等議覆禮工二部會奏 孝賢皇后升祔 太廟 奉先殿一摺按自古皇后祔廟之禮經無明文然既葬之後几筵既撤必祔廟以依神推之后禮應亦相同查康熙十三年 孝誠仁皇后山陵禮畢升祔 奉先殿未祔 太廟今 孝賢皇后升祔大禮命臣等再加酌議謹考據前事以開得旨 孝賢皇后神主遵照 孝誠仁皇后之例奉安 奉先殿○丙子命八旗前鋒護軍學習騎射准每年揀選引見○丁丑 上奉 皇太后啓鑾秋獮水蘭○尙書舒赫德侍郎

兆惠等奏施奕源供伊兄施奕學給看偽稟並飭鈔寄江西與施奕度閱看及訊之施奕學在京人等並無確證見聞施奕學來京會試未到應將施奕源暫行拘禁俟施奕學就獲時再行質訊報開○己卯免所過地方額賦十分之三○癸未 上奉 皇太后駐蹕避暑山莊○甲申諭軍機大臣等向聞瀕海地方有行使寬承錢文之處乾隆十四年曾經方觀承奏請查禁朕以見在制錢昂貴未令深究且以為不過如市井所稱鴉邊沙板之類仍屬本朝名號耳乃近日浙省接獲賊犯海票一案又有行使寬承錢之語竟係寬承通寶字樣夫制錢國寶且係紀元年號即或私鑄小錢攪和行使其罪止於私鑄若別有寬承通寶錢文則其由來不可不嚴為查究又聞江淮以南米市鹽場行使尤多每銀一兩所易制錢內此項錢文幾及其半既鑄成錢文又入市行使則必有開爐發賣之處無難查辦著傳諭尹繼善莊有恭令其密飭幹員東華全錄 乾隆三十六

確查來應據實具奏浙閩瀕海郡縣一併令該督撫等密行查辦不可因從前之失於查察遂爾稍存迴護並宜鎮靜辦理勿令胥役人等借端滋擾聲張多事尋尹繼善莊有恭等奏寬承錢文乃東洋倭地所鑄由內地商船帶回江蘇之上海浙江之甯波乍浦等海口行使尤多查寬承為日本紀年原任檢討朱彝尊集內載有吾妻鏡一書有寬承三年序又原任編修徐葆光中山傳信錄內載市中皆行寬承通寶是此錢本出外洋並非內地有開爐發賣之處但既係外國錢文不應攪和行使臣等見訪沿海各員弁嚴禁商船私帶入口其零星散布者官為收買解局充鑄報聞八月己丑朔諭軍機大臣等喀爾吉善等奏稱吳進義傳看偽稟一案據陳公壽沈翼天等眾供如一吳進義看過偽稟百喙難辭既不查擊於前又復捏詞奏辨於後比照知情故縱律量為未減擬斬監候等語此案初奏到時朕即以吳進義年老昏惰著中案